

Ҳадисларга ҳаётимизда тўлиқ амал  
қилишимиз лозим | Ҳадис дарслари (287-  
дарс)



19:00 / 18.06.2024 2958

هُلَّلَا يَضَرَّ رَءْيَاهُ يَبْأَنَعُ  
هُلَّلَا يَلْصُقُ يَبْنُلَانَعُ ، هُنَعُ  
تَمِيْقُ إِذَا لَأَقَمَّ لَسَوِ هِيَلَعُ

# اَلْاِةَ اَلصَّ اَلْفُةَ اَلصَّلَاةِ اَلْاِةَ سَمَّخُ اَلْاَوْرُةَ بُوْتِكَ اَلْاِ مَلْعَا هَلْ اَو، يْرَاخُبْ اَلْاِ

Абу Хурайра розияллоху анхудан ривоят қилинади:

**«Набий соллаллоху алайҳи васаллам:**

**«Намозга такбир айтилса, фарз намоздан бошқа намоз бўлмас», дедилар».**

*Бешовларидан фақат Бухорий ривоят қилмаган.*

**Шарҳ:** Жамоат намози учун такбир айтилганидан кейин нафл намоз ўқиб бўлмаслигини ушбу ҳадисдан билиб оламиз.

Бу ҳадисларга ҳаётимизда тўлиқ амал қилишимиз лозим.

Уламоларимиз мазкур далиллар ва бошқа ҳужжат ҳамда қоидаларни ишга солиб, намоз ўқиш ҳаром ёки макруҳ бўлган вақтларни тартибли равишда баён қилиб берганлар.

Ханафий мазҳаби бўйича қуйидаги вақтларда барча намозларни ўқиш ҳаромдир:

1. Қуёш чиқаётган пайтда;
2. Қуёш қиёмга келган вақтда; (Жумъа куни бундан мустасно.)
3. Қуёш ботаётган пайтда.

Қуйидаги вақтларда нафл ўқиш ҳаром:

1. Бомдод намозининг фарзидан то қуёш найза бўйи кўтарилгунича;
2. Аср намозининг фарзидан то қуёш ботгунича.

Ҳанафий мазҳаби бўйича қуйидаги вақтларда ҳам нафл намозлари ўқиш макруҳдир:

1. Тонг отгандан сўнг Бомдоднинг суннатидан бошқа намозларни ўқиш;

Бунинг далили «Фажрдан кейин Бомдоднинг икки ракъат суннатидан бошқа намоз йўқ» деган ҳадисдир.

Табароний Ибн Умардан ривоят қилган.

2. Шом намозидан олдин нафл ўқиш;

Чунки Шом намозини тез ўқишга амрлар бор. Ундан олдин нафл ўқиш Шомни кечиктириш бўлади.

3. Жума, ийд, ҳаж, никоҳ, кусуф ва истисқо хутбалари бўлиб турган вақтда;

Бу вақт имом минбарга чиққандан то намозни ўқиб бўлгунича давом этади.

4. Ийд намозидан олдин ва кейин;

5. Фарз намозга иқомат айтилгандан сўнг.

Фақат Бомдоднинг суннатини тезда, фарзга улгуриш шарти билан ўқиб олишга рухсат бор.

***«Ҳадис ва ҳаёт» китобининг 4-жузи асосида тайёрланди.***